



Eich cyf/Your ref
Ein cyf/Our ref

Mehefin 2023

Annwyl Rhodri

Diolch ichi am gymryd yr amser yn ein cyfarfod diweddar i fy niweddarau am yr honiadau sy'n ymwneud â bwlio yn S4C. Yn amlwg, mae'r cyfnod hwn yn un gofidus i bawb sydd yn y sefydliad ac yn enwedig i'r rhai hynny sy'n cael eu heffeithio gan y pryderon a rannwyd. Rwy'n cydnabod y dewrder y mae'n ei gymryd i unrhyw un leisio pryderon ar ôl profi camdriniaeth, aflonyddwch neu fwlio.

Nid yw Llywodraeth Cymru yn goddef camdriniaeth ac rydyn ni wedi ymrwymo i fynd i'r afael ag aflonyddwch a bwlio o bob math.

Mae gan S4C le arbennig ym mywyd diwylliannol Cymru ac mae'n hanfodol bwysig i economi Cymru ac i gynaliadwyedd parhaus y diwydiannau creadigol yng Nghymru. Mae gan bawb ohonom ddiddordeb mewn gweld S4C fodern, sy'n cael ei harwain yn dda ac sy'n cefnogi economi greadigol gadarn ac iaith a diwylliant Cymraeg bywiog a hynny wrth ddiogelu hawliau a llesiant ei gweithwyr. Mae ein Memorandwm Cyd-ddealltwriaeth yn nodi ein huchelgeisiau cyffredin o ran cefnogi twf economaidd, datblygu doniau amrywiol, twf ym mhroffil Cymru a'r portread ohoni yn ogystal â hyrwyddo'r Gymraeg. Dylai amgylchedd gwaith iach, cynhwysol a diogel fod yn elfen gwbl flaenllaw o weithrediadau'r sefydliad wrth gyflawni yn erbyn y cytundeb hwn.

Mae digwyddiadau diweddar yn rhybudd nad oes unrhyw sefydliad yn ddiogel rhag disgyn islaw'r safonau uchel rydym i gyd yn eu gwerthfawrogi a'u harddel â pharch uchel. Mae angen i bob un ohonom herio'n hunain a'n sefydliadau yn barhaus o ran cynnal y safonau uchaf o urddas a pharch. Rhaid gwneud hyn er mwyn sicrhau ein bod yn parhau i ennill ffydd a hyder ein gweithluoedd a'r rhai hynny rydym yn gweithio gyda hwy ac yn eu cynrychioli.

Mae'n bwysig bod statws S4C yn ddarlliedwr annibynnol yn glir ac yn ddealladwy. Er bod Llywodraeth Cymru yn bwriadu defnyddio ei hadnoddau i sicrhau bod camau yn cael eu cymryd i ymdrin â'r pryderon difrifol o dan sylw, rwy'n glir mai cyfrifoldeb S4C yw cymryd y

Canolfan Cyswllt Cyntaf / First Point of Contact Centre:
0300 0604400

Bae Caerdydd • Cardiff Bay
Caerdydd • Cardiff
CF99 1SN

Gohebiaeth.Dawn.Bowden@llyw.cymru
Correspondence.Dawn.Bowden@gov.wales

Rydym yn croesawu derbyn gohebiaeth yn Gymraeg. Byddwn yn ateb gohebiaeth a dderbynnir yn Gymraeg yn Gymraeg ac ni fydd gohebu yn Gymraeg yn arwain at oedi.

We welcome receiving correspondence in Welsh. Any correspondence received in Welsh will be answered in Welsh and corresponding in Welsh will not lead to a delay in responding.

camau gweithredu angenrheidiol i sicrhau bod y sefydliad yn dod o'r sefyllfa hon gyda'r polisïau, diwylliant a'r trefniadau llywodraethu sy'n addas ar gyfer y dyfodol.

Rwy'n falch clywed bod y Bwrdd Anweithredol wedi cymryd camau yn gyflym i sicrhau bod ymchwiliad annibynnol i'r honiadau yn cael ei gynnal. Gobeithiaf y bydd yr adolygiad allanol hwn yn rhoi dealltwriaeth ac esboniad trylwyr ynglŷn â lle y mae'r sefydliad wedi disgyn islaw'r safonau disgwyledig. Rhaid imi bwysleisio bod tryloywder yn hollbwysig a gofynnaf fod unrhyw ganfyddiadau yn cael eu rhannu'n agored.

Yn Ddirprwy Weinidog y Celfyddydau, Chwaraeon a Thwristiaeth, rwy'n ystyried yr honiadau a godwyd yn rhai difrifol iawn a byddaf yn pwyso am welliant trawsnewidiol a diymdroi ar sail canfyddiadau'r ymchwiliad allanol.

Mae hwn yn gyfnod siomedig i S4C ond gobeithiaf y gallwn weithio gyda'n gilydd yn awr i adfer ffydd a hyder mewn sefydliad sydd wedi, ac sy'n parhau i gyflawni cymaint i Gymru.

Rwy'n ddiolchgar am y modd rydych chi wedi trafod y pryderon a godwyd gyda mi dros yr wythnosau diwethaf. Byddwn yn gwerthfawrogi cyfarfod pellach gyda chi unwaith y bydd yr ymchwiliad allanol wedi'i gwblhau.

Rwy'n anfon copi o'r llythyr hwn at Gadeirydd Pwyllgor Diwylliant, Cyfathrebu, y Gymraeg, Chwaraeon, a Chysylltiadau Rhyngwladol y Senedd.

Yn gywir

Dawn Bowden AS/MS

Dirprwy Weinidog y Celfyddydau, Chwaraeon a Thwristiaeth
Deputy Minister for Arts, Sport and Tourism